



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**ODLUKA**  
**O DAVANJU SAGLASNOSTI NA PROGRAM AKTIVNOSTI ZA**  
**DAN OBILJEŽAVANJA OPSADE SARAJEVA 1992.-1995.**  
**ZA 2022. GODINU**  
**(Prijedlog)**

**Predlagač:** Gradonačelnica  
**Obradivač:** Gradska služba za poslove  
Informacionog centra

**Sarajevo, februar 2022. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 3. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), člana 3. stav 2. Odluke o obilježavanju opsade Sarajeva 1992.-1995. („Službene novine Kantona Sarajevo”, broj 25/19), Gradsko Vijeće Grada Sarajeva, na \_\_. sjednici održanoj dana \_\_. \_\_. 2022. godine, donosi

**(Prijedlog)**

**ODLUKU**  
**O DAVANJU SAGLASNOSTI NA PROGRAM AKTIVNOSTI ZA**  
**DAN OBILJEŽAVANJA OPSADE SARAJEVA 1992.-1995.**  
**ZA 2022. GODINU**

**Član 1.**

(Predmet Odluke)

Ovom odlukom daje se saglasnost na Program aktivnosti za Dan obilježavanja opsade Sarajeva 1992.-1995. za 2022. godinu (u daljnjem tekstu: Program), utvrđen od gradonačelnice Grada Sarajeva.

**Član 2.**

(Realizacija Programa)

Ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preduzima sve ostale aktivnosti potrebne za uspješnu realizaciju Programa.

**Član 3.**

(Sastavni dio Odluke)

Sastavni dio ove odluke je Program.

**Član 4.**

(Stavljanje van snage)

Donošenjem ove odluke stavlja se van snage Odluka o davanju saglasnosti na Program aktivnosti za Dan obilježavanja opsade Sarajeva 1992.-1995. za 2022. godinu („Službene novine Kantona Sarajevo”, broj 41/21).

**Član 5.**

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo”.

**PREDSJEDAVALJUĆI GRADSKOG VIJEĆA**

**Jasmin Ademović**

Broj:  
Sarajevo,

## OBRAZLOŽENJE

### PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08 – prečišćeni tekst) kojim je propisano da Gradsko Vijeće Grada Sarajeva donosi odluke, druge propise i opće akte i daje njihovo tumačenje.

Pravni osnov sadržan je i u članu 3. stav 2. Odluke o Danu obilježavanja opsade Sarajeva 1992.-1995. („Službene novine Kantona Sarajevo”, broj 25/19), kojim je propisano da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za narednu godinu.

### RAZLOZI DONOŠENJA

Odlukom o Danu obilježavanja opsade Sarajeva 1992.-1995. („Službene novine Kantona Sarajevo”, broj 25/19), propisano je da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za narednu godinu.

Odlukom Gradskog vijeća Grada Sarajeva o davanju saglasnosti na Program aktivnosti za Dan obilježavanja opsade Sarajeva 1992.-1995. za 2022. godinu („Službene novine Kantona Sarajevo”, broj 41/21), data je saglasnost na utvrđeni Program za 2022. godinu.

Nakon stupanja na snagu naprijed citirane Odluke, krajnje opravdane okolnosti ukazale su potrebu dorade već utvrđenog Programa na način da su dodatno utvrđene i razrađene aktivnosti koje će na još bolji, kvalitetniji i izraženiji način doprinijeti obilježavanju najduže opsade jednog glavnog grada u savremenoj historiji ratovanja.

Sve utvrđeno u Programu će zasigurno omogućiti prigodno i dostojansveno obilježavanje Dana opsade Sarajeva i na taj način onemogućiti otimanje od zaborava ovog perioda, kao i patnje, hrabrosti i herojskog otpora stanovnika i branioca Sarajeva u opsadi i odati dužnu poštu građanima Sarajeva ubijenim tokom opsade.

Cijeneći naprijed navedeno, predlaže se da Gradsko Vijeće Grada Sarajeva da potrebnu saglasnost na utvrđeni Program aktivnosti za Dan obilježavanja opsade Sarajeva 1992.-1995. za 2022. godinu te zauzme pozitivan stav u odnosu na dostavljeni Prijedlog Odluke na način kako je predložena.

### FINANSIJSKA SREDSTVA

Finansijska sredstva za provođenje Odluke obezbjeđena su u Budžetu Grada Sarajeva za 2022. godinu.



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**PROGRAM**  
**AKTIVNOSTI ZA DAN OBILJEŽAVANJA OPSADE SARAJEVA 1992.-1995.**  
**ZA 2022. GODINU**

**Predlagač:** Gradonačelnica  
**Obradivač:** Gradska služba za  
poslove informativnog centra

**Sarajevo, februar 2022. godine**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Na osnovu člana 3. stav 2. Odluke o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) utvrđujem

## **PROGRAM AKTIVNOSTI ZA DAN OBILJEŽAVANJA OPSADE SARAJEVA 1992.-1995. ZA 2022. GODINU**

### **I UVOD**

Odlukom o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) propisano je da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnost na Program aktivnosti za Dan obilježavanja opsade Sarajeva 1992. -1995. za narednu godinu. U izradi Programa aktivnosti za Dan obilježavanja opsade Sarajeva 1992.-1995. konsultovan je i Savjet gradonačelnice za Informativni centar o Međunarodnom krivičnom sudu za bivšu Jugoslaviju (u daljnjem tekstu: Informativni centar o MKSJ Sarajevo). Savjet gradonačelnice za Informativni centar o MKSJ Sarajevo održao je sjednicu dana 01.09.2021. godine i sačinio prijedlog aktivnosti za Dan obilježavanja opsade Sarajeva 1992.-1995. Uzimajući u obzir nadležnost Savjeta, utvrđenu potpisanim Memorandumom o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo („Službene novine Kantona Sarajevo“, broj 50/16), kao i njegov sastav, u Programu su uvaženi prijedlozi Savjeta.

### **II RASPORED I OPIS AKTIVNOSTI ZA DAN OBILJEŽAVANJA OPSADE SARAJEVA 1992.-1995. ZA 2022. GODINU**

**Naziv aktivnost:** Otvaranje izložbe Paul Lowe, pod nazivom izložba fotografija „Sarajevo pod opsadom“.

**Lokacija:** Vijećnica Sarajevo

**Vremenski okvir:** 04.04.2022. godine

**Satnica:** naknadno

**Učesnici aktivnosti:** delegacije Grada Sarajeva, strane delegacije, diplomatska predstavništva u BIH, delegacije, predstavnici različitih nivoa vlasti u BIH, predstavnici relevantnih udruženja, umjetnici, učenici i studenti.

**Obrazloženje:** Fotografije iz serije „Sarajevo pod opsadom“ fotografa dr. Paul Lowea svjedoče o strašnoj ratnoj svakodnevici građana Sarajeva, ali i sveprisutnom duhu otpora. Dr. Paul Lowe je nagrađivani fotograf i profesor fotografije na Univerzitetu umjetnosti u Londonu te šef odsjeka za magistarski program fotožurnalizma i dokumentarne fotografije na London Koledža za komunikologiju. Fotografije koje je dr. Paul Lowe snimio za vrijeme opsade bilježe svakodnevicu građana Sarajeva. One razotkrivaju dva dijela priče o opkoljenom Sarajevu. S jedne strane radi se o stradanju i neizvjesnosti koji su trajali gotovo četiri godine, a s druge strane to je priča o nevjerovatnoj hrabrosti, kreativnosti i opstanku života.

**Naziv aktivnosti:** Organiziranje Međunarodne konferencije „30 godina poslije – Sarajevo“ Panel diskusija (2 panela sa domaćim i inostranim novinarima)

**Lokacija:** Vijećnica

**Vremenski okvir:** 05.04.2022. godine

**Satnica:** od 13.00 do 17.00 sati

**Učesnici aktivnosti:** Ključni ratni dopisnici koji su radili na rasvjetljivanu ratnih zločina, prikupljanju dokaza, video snimaka, fotografija, koji su bili svjedoci pred MKSJ I MRMKS,

Predsjednik Mehanizma, sudija Carmel Agius, predstavnici Haškog tribunala (pravni eksperti), akademska zajednica, relevantna udruženja, diplomatska predstavništva, predstavnici različitih nivoa vlasti u BiH, studenti, istraživači.

Konferencija ima za cilj da okupi 50 i 100 ratnih dopisnika, akademika i predstavnika civilnog društva i predstavnika Udruženja žrtava rata iz BiH, Evrope i svijeta.

**Napomena:** Članovi Savjeta su jednoglasno usvojili prijedlog: prve godine pristupilo se izradi programa naučne konferencije na kojoj su panelisti biti ključni ratni dopisnici koji su radili na rasvjetljavanju ratnih zločina, prikupljanju dokaza, video snimaka, fotografija, te koji su bili svjedoci pred MKSJ I MRMKS. Pomenuti ratni reporteri su iskazali volju da dođu na naučnu konferenciju bez obzira na nepovoljnu epidemiološku situaciju. Uzimajući u obzir da postoji velika vjerovatnoća za dolazak predsjednika Mehanizma za međunarodne krivične sudove, sudije Carmel Agiusa i predstavnika Tribunala, možemo reći da je pomenuta konferencija sadržajno bogata te da će imati multidisciplinarni pristup navedenoj temi, uzimajući u obzir da će pored međunarodnih novinara i akademskih profesora sa Colege's Kingstona iz Londona, uključiti i domaće vrhunske novinare, akademsku zajednicu, udruženja žrtava i kulturnih radnika, koji će iz različitih aspekata govoriti o opsadi Sarajeva.

**Naziv aktivnosti: Organizovanje panel diskusije povodom, Dana obilježavanja opsade Sarajeva 1992.-1995.**

**Panel diskusija (inostrani novinari i Inicijativa mladih za ljudska prava)**

**Lokacija: Vijećnica**

**Vremenski okvir: 05.04.2022. godine**

**Satnica: 20:00 – 21:30 sati**

Moderatorica: Christiane Amanpour, novinarka

**Predložene teme razgovora:** Pomirenje i istina, uloga žena u mirovnoj tranziciji, uspostavljanje demokratije „stanje“ mira u BiH u kontekstu fluidne geopolitičke situacije u svijetu

**Napomena:** Panel konferencija će okupiti novinare, diplomatska predstavništva i mlade iz Crne Gore i Srbije koji će govoriti na temu pomirenja i tranzicijske pravde

**Naziv aktivnosti: Polaganje cvijeća na ključnim lokacijama stradanja civila u Sarajevu**

**Lokacija: Naknadno (utvrđuje Organizacioni odbor)**

**Vremenski okvir: 05.04.2022. godine**

**Satnica: Naknadno (utvrđuje Organizacioni odbor)**

**Učesnici aktivnosti:** Delegacije Grada Sarajeva, strane delegacije, delegacije općina u sastavu Grada, Kantona Sarajevo i ostalih nivoa vlasti te predstavnici relevantnih udruženja

**Napomena:** Ovo je protokolarna aktivnost i nije izmijenjena.

**Centralna manifestacija** se briše i neće biti organizovana, jer je sadržajno program bogat, stoga ne postoji potreba za organizacijom centralne manifestacije.

### **III REALIZACIJA PROGRAMA I LOGISTIKA**

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarne aktivnosti, provođenje potrebnih nabavki i sl.

Organizacioni odbor će biti ovlašten i da izvrši dodatno preciziranje lokacija, satnica, učesnika i zvanica.

Odsjek za informisanje (Press služba) Grada će komunicirati sa medijima i sačinjavati saopćenja i

medijske najave.

Sve potrebne nabavke za realizaciju cjelokupnog Programa provodit će se u skladu sa važećim propisima.

#### **IV FINANSIJSKA SREDSTVA**

Za potrebe realizacije Programa potrebno je u Budžetu Grada Sarajeva za 2022. godinu planirati minimalno 50.000,00 KM. Grad će tražiti i dodatnu finansijsku podršku općina u sastavu Grada i ostalih nivoa vlasti u BiH.

**GRADONAČELNICA**

**Doc. dr. Benjamina Karić**

**Broj: 01/13-04-882/22**

**Sarajevo, 04.02.2022. godine**